

Kontuola

ANTZUOLA / Egubakoitza / 2003ko maiatzaren 30a / 159. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Botoen ia erdiak lortu ditu EAJ-EAk, eta Jose Angel Zabalo izango da alkate berria

AINTZANE IRIZAR

Alkate berria izango dugu datozen lau urteotan: Jose Angel Zabalo, hain zuzen ere. Horixe da domekako hauteskundeek eman diguten berri nabarmenena. Zortzi zinegotzi lortu ditu EAJ-EA koalizioak eta PSE-EEK, berriz, zinegotzi bat lortu du.

Hauteskunde kanpaina bezalaxe, hauteskunde eguna bera ere ezohikoa izan zen. Udalbatza zelan geratuko den ikusi besterik ez dago emaitzen ondorioak ere ezohikoak direla ikusteko. Udalbatzak izango dituen bederatzizinegotzietatik zortzi lortu ditu EAJ-EA koalizioak eta zinegotzi bat PSE-EEK.

Alkate berria izango dugu, beraz, datozen lau urteotan; Jose Angel Zabalo esperientzia luzea

du udalbatzan, behin baino gehiagotan izan da eta zinegotzi. Gainerako zinegotzi guztiak, ordea, berriak dira; hau da, aurreko agintaldian, behintzat, ez ziren zinegotzi izan. PSE-EEKo zinegotzia ere berria dugu: Elvira Kortajarena, hain zuzen ere.

UDALA ETA BATZAR NAGUSIAK

Udalerako eta Batzar Nagusieterako hauteskundeetako boto kopuruak alderatzen baditugu, aldaketa handi samarrak daudela ikusten dugu: bai EAJ-EAk eta bai AuBk botoak galdu dituzte. Eta kontuak ateratzen baditugu, badirudi bi alderdi horiek galdutako boto guztiak Aralar alderdi berriak lortu dituela: 114 boto, guztira.

Gertu Gae plataformari parte hartzen laga izan baliote, bestalde, hiru zinegotzi lortuko zituzkeen.



EAJ-EA
JOSE ANGEL ZABALO



EAJ-EA
Dina Muxika



EAJ-EA
Iñigo Ramirez de Okariz



EAJ-EA
Jose Inazio Beltran



EAJ-EA
Basilio Ormazabal



EAJ-EA
Gurutz Madariaga



EAJ-EA
Imanol Garmendia



EAJ-EA
Idefonso Garcia



PSE-EE
Elvira Kortajarena

ZINEGOTZIAK

EAJ-EA	8
PSE-EE	1
GUZTIRA	9

ZINEGOTZI KOPURUA, BALIOGABEAK ONARTU BALIRA

	2003	1999
EAJ-EA	5	4
GERTU GAE	3	4
PSE-EE	1	1
PP	0	0

BOTOEN BANAKETA

	Udala	Batzar Nagusiak
EAJ-EA	615	574
GERTU GAE / AuB*	427	354
PSE-EE	142	133
PP	39	49
ARALAR	—	114
IU-EB	—	44

*Ofizialki, boto baliogabeak

SUKALDEKO ALTZARIAK
Harizki

MUEBLES
IGEA

Sukalderako eta bainurako altzariak
Altzari rustikoetan
espezializatuak

Zurrategi plaza 4, behea. ANTZUOLA. Tel. eta faxa 943 78 71 80

LABUR

Oskorrik 'The pub ibiltaria' ikuskizuna eskainiko du domeka arratsaldean

Udal Pilotalekuan egingo dute kontzertua etzi, domeka, 19:00etan. *The pub ibiltaria* ikuskizunarekin datorkigu Oskorri. Zazpi urte daramatza esperientzia horrekin, eta zazpigarren diskoa kalera-tu berri du. Oskorriko kideekin batera, ikuskizunera joaten diren ikusle guztiak dira emanaldietako protagonista; horixe da, hain zuzen ere, ikuskizun horren oinarria eta horrexetan saiatuko dira domekan ere; jendea kantuan jartzen, alegia. Beste era bateko arratsalde pasa egiteko aukera polita dugu, beraz, domekan.



IGELTSEROTZA

Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:

Fatxadak
Bainugela eta sukaldea
Lokal komertzialak
Teilatuak

Eta orain....
**GREMIOEN
KOORDINAZIOA**

LEKY-BERRI MERENDEROA

Janariak
eta
edariak

Tf. 943 76 60 94
ANTZUOLA

MUJIKA HARATEGIA



Berezitasunak:
Etxean hazitako
zekorrek eta oilaskoak

Kalebarren, 1.
ANTZUOLA
Tf. 943 76 64 34

AITZ-GARBI



Pintxoak eta
kazuelatxoak.
Bazkariak eta afariak

Kalebarren 15. Tf. 943 78 70 51
ANTZUOLA

LABUR

Aritz Berraondok lehen mailara igotzeko aukera dauka Xabier Imazi irabaziz gero

Aurreko domekan Kepa Peñagarikanoren aurka 22-9 galduta, bigarren mailako txapeldunorde dugu Aritz Berraondo. Ez zuen lehen mailara igotzerik lortu, baina oraindik beste aukera bat dauka: Xabier Imazi irabazten badio, lehen mailara igoko da Aritz. Imazek 22-18 irabazi zion astelehenean Unai Apeztegiari; azken hau bigarren mailara jaitsiko da; Imazek, berriz, lehen mailari eusteko Berraondoren aurkako partidua irabazi beharko du. Segurue- na astelehenean jokatuko dute partidu hori, Tolosan.

Haurren Euskal Jaia ospatuko dute ibarreko ume dantzariak ekainaren 15ean

Oñatiko, Bergarako, Arrasateko, Soraluzeko eta Antzuolako ume dantzariak Haurren Euskal Jaia ospatuko dute ekainaren 15ean Antzuolan. Egun osoan barrena hainbat ekitaldi egongo dira, Oinarin dantza taldeak antolatuta. 150 umetik gora etorriko dira egun horretan Antzuolara, eta bazkaltzeko ume horiek etxean hartzeko gertu dagoen jendea behar dute antolatzailak. Interesa dutenek Eroskin, Martin okindegian, Ainhoa drogerian edo Itzar liburu dendan eman behar dute izena, ekainaren 12a baino lehen.

Txistorra dastatzea antolatu zutenek eskerrak eman nahi dizkiete herritarrei

Ekainean joango dira Kongora Andres eta Bittor Arbulu, hoditeria sistema jartzen amaitzera. Maiatzaren 17an txistorra dastatzea antolatu zuten Anelkarrek eta Arbulu anaien lagunek, diru batzeko, han eskolak eraikitzeko. 1.400 euro batu zituzten, eta eskerrak eman nahi dizkiete herritar guztiei, eta bereziki Juan Jose, Muxika eta Gabilondo harategiei, Martin, Altzarte eta Antiguako Errota okindegiei, Udalarari eta Arrola elkarteari, baita dirua eman duten enpresei ere. Bestalde, gogorarazi digute ekimen horri laguntza eman nahi dionak Euskadiko Kutxako kontu korrante honetan sar dezakeela dirua: 3035004013040014425.



Gimnastak Gipuzkoako txapeldun, maila guztietan

Aurreko zapatuan jokatu zituzten gimnasia erritmikoko Gipuzkoako Eskola Arteko finalak Arrasaten. Fin jardun zuten Antzuolako neskek eta maila guztietan irabazi zuten txapelketa. Lide eta Usoa Toledo eta Jurdana Pildain antzularrek Ainara Amorós eta Ainhoa Martínez bergararren osatzen dute alebin mailako taldea, eta taldekako txapelketa irabazi zuten. Ikerne Rodríguezek, berriz, Ariznoa taldeko infantilen taldearekin jarduten du, eta haiek ere lehenengo sailkatu ziren. Kadete mailan, azkenik, Maialen Legorburuk hartu zuen parte; taldeka zein banaka parte hartu eta bietan irabazi zuen. Maiatzaren 10ean, berriz, gazte mailako txapelketa jokatu zuten eta Uxue Arregik irabazi zuen; Maialen Toledo bigarren geratu zen eta Iraitz Gastiain laugarren./A.I.

HERRITARREN HITZA / Jone Lete · Ikaslea

Euskal kultura eta 'Egunkaria' aurrera!

Gure herri honen ibilbide luzean zehar hainbat traba eta oztopo jasan behar izan dugu. Oraindik ere pairatzen gabilta traba horiek eta une hauetan inoiz baino gogorrago. Egoera honen aurrean ezin gara isilik geratu. Otsailaren 20an euskaldunok eta euskaltzaleok izututa gelditzeko moduko berria iritsi zitzaigun etxeetara. Herri honek zuen egunkari euskaldun bakarra itxi egin ziguten. Hau gutxi balitz, euskararen alde lan gogorra egin duten hainbat pertsona espetxeratu eta jipoitu zituzten. Baina ez

gaitezen izan itsuak, ez dezagun pentsa jipoitu dituzten bakarrak direnik. Urtero hainbat eta hainbat euskaldun jipoitzen dituzte.

Une hartan, berotasunean, eta inpotentzia zela eta, jende mordoa bildu ginen itxiera salatzen. Donostian egin zen manifestaldia izugarria izan zen; baina, orain zer?

Hasieran jende ugari elkartu ginen eta babesa eman



"Geure herriaren arazoa konpondu dezagun geuk"

genion, baina sarritan gertatzen den moduan, denborarekin, ahaztu egiten ditugu gauza asko.

Egunkari berria egin beharra dago, eta, ahal bada, hobe. Horretarako denon babesa behar dute. Badakigu, Euskal Herriaren kontrako eraso honetan, euskarren aldeko edonor gaudela estatu espainiarraren begiradapean, baina ez gaituzte isildu-

ko. Horretarako egokiena gure artean elkartzea izango litzateke, Euskal Herria eta euskal kultura abiapuntutzat hartuta. Ez gaitezen espainiarren tranpan erori, hori ez. Etxeko kontuak etxean konpontzen dira ondoen, beraz, konpondu gaitezen gure artean eta geure herriaren arazoa konpondu dezagun geuk. Geuk bizi behar dugu hemen, eta une baten hainbat euskaltzale biltzeko gai izan baginen, orain ere elkartu eta eraiki dezagun gure nortasuna, kultura eta benetako izaera batzen eta onartzen dituen Euskal Herri bat.

KIROLA

PARTIDUAK

FUTBOLA

Maiatzak 31

17:00: Antzuola-Behobia (Gazteak)

OHARRA

Talde erregionala Kopa Txapelketatik kanpo geratu da, Lazkaoen erreklamazioa onartu dutelako.

EMAITZAK

FUTBOLA

Segura 5 Antzuola 1 (Gazteak)

EGANA
Era guztietako arotz lanak
Tarima eta parketa jartzea
Zoruen kutxilatu eta barnizatuak
Kalegoi 21, ANTZUOLA Tel.: 943 76 64 23

LARREA
TABERNA
Kalebarren 17
ANTZUOLA

ANTZUOLA
Apainketak eta
isolamenduak
Pladurrezko dibisioak
Kalegoi 21 ANTZUOLA
676 997 400
Biltegia: 943 78 70 40

GAILUR
taberna eta
gozotegia
Buztinzuri 13 ANTZUOLA
Tf. 943 78 70 32